



Broj: 01/01-1577-5/12-2024
Sarajevo, 10.10.2024. godine

Na osnovu člana 2. stav (1) tačka l) pod 2) i člana 69. stav (2) tačka d), člana 70. stav (1), (4) i (6) Zakona o javnim nabavkama („Sl. glasnik BiH“, broj 39/14, 59/22 i 50/24), na preporuku Komisije za javnu nabavku, broj: 01/01-1577-4/12-2024 od 10.10.2024. godine u otvorenom postupku nabavke robe – **HEMIKALIJE, LOT 7- Kit za određivanje alelnih grupa HLA-A**, Dekan Univerziteta u Sarajevu - Prirodno-matematički fakultet je donio

ODLUKU

o poništenju postupka javne nabavke

Član 1.

Poništava se postupak javne nabavke roba u dijelu – **HEMIKALIJE, LOT 7- Kit za određivanje alelnih grupa HLA-A**, objavljen dana 06.09.2024. godine na Portalu javnih nabavki pod brojem: 29340-1-1-48-3-66/24 iz razloga što ponuđač nije dostavio potvrdu izdatu od strane banke, koja je u skladu sa zahtjevom iz tenderske dokumentacije, odnosno potvrdu banke u kojoj je otvoren „Glavni račun“ sa naznakom da navedeni račun ponuđača predstavlja glavni račun, te da isti nije bio blokiran u zadnjih 12 (dvanaest) mjeseci od datuma izdavanja potvrde.

Član 2.

Ova odluka objavit će se na web-stranici www.pmf.unsa.ba u skladu sa članom 70. stav (6) Zakona o javnim nabavkama BiH.

Član 3.

Ova Odluka stupa na snagu danom donošenja.

Obrazloženje

Na osnovu Odluke o pokretanju postupka javne nabavke broj: 01/01-1577/3-2024 od 03.09.2024. godine, Univerziteta u Sarajevu - Prirodno-matematički fakultet je pokrenuo otvoreni postupak za dostavljanje ponuda za javnu nabavku roba: **HEMIKALIJE, LOT 7 Kit za određivanje alelnih grupa HLA-A**.

Za provođenje postupka predmetne javne nabavke, Odlukom broj: 01/01-1577/4-2024 od 06.09.2024. godine imenovana je Komisija za provođenje postupka javne nabavke. Obavještenje o nabavci broj: 29340-1-1-48-3-66/24 objavljeno je na Portalu javnih nabavki dana 06.09.2024. godine.

Iz Izvještaja o preuzimanju tenderske dokumentacije od strane ponuđača, vidljivo je da su u periodu koji je ostavljen za dostavljanje ponuda do 30.09.2024. godine, tendersku dokumentaciju preuzeli slijedeći potencijalni ponuđači: PROFY D.O.O., EKAPIJA DOO, ELTA 90 MB D.O.O., BBS EUROPE, DIJAL-"M," SINEKS LABORATORIJA D.O.O. BANJA LUKA, SEMIKEM D.O.O. SARAJEVO, E N A D.O.O. SARAJEVO, R&S D.O.O. SARAJEVO, MESSER TEHNOPLIN D.O.O., KEFO D.O.O. ISTOČNO SARAJEVO, MIKRO+POLO D.O.O., EMGEN DOO, FARMA D.O.O., CONTROLMATIK

BH DOO SARAJEVO, CUBICUS D.O.O., PROIZVODNJA I TRGOVINA „PHARMAMED“ D.O.O., TRAVNIKKRAJINAGROUP D.O.O. BANJA LUKA, BIOSISTEMI DOO SARAJEVO, MEDICHEM D.O.O. AB MEDIC D.O.O., TUZLA-FARM D.O.O.

Iz Izvještaja o pitanjima i odgovorima u periodu koji je ostavljen za dostavljanje ponuda, vidljivo je da nije bilo upita niti njeasnoća u vezi TD.

Iz Zapisnika o otvaranju ponuda vidljivo je da je Komisija za javne nabavke dana 30.09.2024. godine sa početkom u 10:30 sati po redoslijedu zaprimanja izvršila javno otvaranje blagovremeno prispjelih ponuda slijedećeg ponuđača:

R. br.	Naziv/ime ponuđača	Blagovremene ponude	Broj prijemnog protokola	Datum i vrijeme pristigle ponude
1.	„FARMA“ d.o.o. Sarajevo	Da	01/01-1577-1/12-2024	20.09.2024.u 15:05h

Na javnom otvaranju ponuda nisu bili prisutni predstavnici ponuđača.

Zapisnik sa otvaranja ponuda je zajedno sa zapisnikom o prijemu ponuda dana, 01.10.2024. godine proslijeđen elektronskim putem (E-mail-om) ponuđačima koji su blagovremeno dostavili ponudu.

Komisija za javne nabavke sastala se 30.09.2024. godine sa početkom u 10:30 sati, radi pregleda i ocjene ponuda, odnosno da bi utvrdila da li su ponuđači ispunili uslove koji su traženi Tenderskom dokumentacijom, kao i da bi utvrdila da li su ponuđači dostavili tehnički zadovoljavajuće ponudu u skladu sa zahtjevima iz Tenderske dokumentacije i da li su kvalifikovani za nabavku predmetne robe.

Komisija za provođenje postupka nabavke sačinila je sažetak primljenih ponuda kako slijedi:

Redni br.	Naziv i sjedište ponuđača	Ponuđeni popust	Ukupna cijena ponude
1.	„FARMA“ d.o.o. Muhameda ef. Pandže 379 71000 Sarajevo	0,00 KM	Cijena ponude bez PDV-a 4.720,00 KM 0% popust Ukupna cijena ponude sa uračunatim popustom bez PDV-a =4.720,00 KM PDV na cijenu ponude= 802,40KM Ukupna cijena za ugovor 5.522,40 KM sa PDV-om

Iz Zapisnika o pregledu i ocjeni ponuda je vidljivo da u ponudi ponuđača nije bilo računskih grešaka.

Nakon pregleda i ocjene ponude, Komisija za provođenje postupka nabavke je u skladu sa članom 2. stav (1) tačka 1) pod 2) Zakona o javnim nabavkama („Sl. glasnik BiH“, broj: 39/14, 59/22 i 50/24), ocjenila da je ponuda FARMA d.o.o. Sarajevo za HEMIKALIJE, LOT 7- Kitovi za određivanje aletnih grupa HLA-A neprihvatljiva. Ponuđač je u ponudi dostavio potvrdu UniCredit banke u kojoj je otvoren glavni račun, sa naznakom da isti nije blokiran u posljednjih 6 (šest) mjeseci. U tenderskoj dokumentaciji pod

tačkom 7.1. u svrhu dokazivanja prava na obavljanje ekonomsko-finansijske sposobnosti, u skladu sa članom 47. Zakona o javnim nabavkama, ponuđač je dužan dostaviti:

Potvrdu izdatu od strane banke u kojoj je otvoren „Glavni račun“ sa naznakom od strane banke da navedeni račun ponuđača predstavlja glavni račun, te da isti nije bio blokiran u zadnjih 12 (dvanaest) mjeseci od datuma izdavanja potvrde. S obzirom da ponuđač nije dostavio potvrdu u skladu sa zahtjevom iz tenderske dokumentacije, ponuda nije uzeta u dalje razmatranje.

U skladu sa prethodno navedenim zakonskim odredbama i Tenderskom dokumentacijom, ponuda je ocjenjena kao **neprihvatljiva, te kao takva nije uzeta u dalje razmatranje.**

Shodno navadenom, Komisija za javne nabavke je predložila Dekanu da na osnovu člana 69. stav (2). tačka d) Zakona o javnim nabavkama BiH, donese Odluku o poništenju postupka javne nabavke roba: **HEMIKALIJE, LOT 7- Kit za određivanje alelnih grupa HLA-A.**

Iz gore navedenih razloga, primjenom člana 69. stav (2) tačka d) Zakona o javnim nabavkama BiH, prihvaćena je preporuka Komisije i odlučeno je kao u članu 1. ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od deset (10) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.

Akt obradila: Adna Šišić, MA prava



DEKAN FAKULTETA



Prof. dr Nusret Drešković

Dostaviti:

- „FARMA“ d.o.o. Sarajevo
- Dosije nabavki
- Web stranica
- a/a